

USPJEŠNE PRIČE PO PROGRAMIMA SUFINANSIRANJA SAMOZAPOŠLJAVANJA U ZDK

Tradicionalni obrt „GRNČARSTVO OHRAN“ vl. Ohran Emir iz mjesta Liješeva kod Visokog predstavlja primjer uspješnog očuvanja bosanskohercegovačke tradicije i porodičnog zanata koji se prenosi kroz više generacija. Ovaj porodični obrt danas vodi Ohran Emir, nastavljajući dugogodišnju porodičnu tradiciju grnčarstva.

Obrt se bavi ručnom izradom tradicionalnog posuđa od gline, namijenjenog pripremi i posluživanju hrane, poput ćupova, tepsija i drugih predmeta za svakodnevnu upotrebu, ali i izradom ukrasnih proizvoda koji čuvaju autentičan duh bosanske tradicije. Svi proizvodi nastaju tradicionalnim metodama oblikovanja na grnčarskom točku, uz mnogo pažnje, iskustva i posvećenosti zanatu.

U procesu izrade proizvoda koristi se kvalitetna glina sa lokaliteta između Visokog i Kiseljaka, koju vlasnik obrta samostalno prikuplja i priprema. Kombinovanjem različitih vrsta gline postiže se potrebna čvrstoća, otpornost i dugotrajnost proizvoda.

Podršku razvoju i unapređenju poslovanja pružio je Program sufinansiranja samozapošljavanja START UP 2025 kroz mjeru „Poduzetništvo za sve 2025“. Zahvaljujući navedenom programu, omogućeno je pokretanje i stabilan razvoj obrta, koji danas uspješno posluje.

Kako bi predstavio svoje proizvode široj javnosti i promovisao tradicionalno grnčarstvo, redovno učestvuje na različitim sajmovima i manifestacijama širom Bosne i Hercegovine, gdje njegovi ručno izrađeni proizvodi privlače veliku pažnju posjetilaca i ljubitelja tradicionalnih rukotvorina.

Korisniku programa želimo mnogo sreće i uspjeha u budućem radu, poslovnom razvoju i ostvarivanju novih ciljeva.

Lista zaprimljenih prijava po Programu sufinansiranja zapošljavanja Služba u saradnji sa poslodavcima 2026

U nastavku se nalaze liste rezultata zaprimljenih prijava po Programu sufinansiranja zaopšljavanja Služba u saradnji sa poslodavcima 2026

Lista odobrenih prijava

Lista prijava na čekanju